

北虞先生集



北虞先生遺文序



夫文之行於世也。有人以文重者，
有文以人重者。有人文交為重者，
人與文各有其至。而總托於澹情
之極。人以不用之用為至。欲遜美

於人間而留其餘文以不傳之傳
為至欲忘適於天機而俟其後彼
區著書以艷世而曰文在茲也則
人與文之交重謂何余自幼枕北
虞邱先生文論一編僭意尚友願

論其世而知其人當筮仕海虞曰
亟從縉紳士庶問先生遺事遺文
有惜先生之超然高潔未俎豆於
賢人間者有惜先生之精深闕博
兼諸家迺僅以散帙行而未今後


學睹大全者余憮然曰此北虞之
所以為北虞而其嗣墟蓮之善承
先志者也先生倘有意於功名聲
譽乎少壯豈不能為逢世之文以
巧博上第迨夫祿隱吳興又豈不

能盡出絕世之文以誇當季而角
異代先生直抱澹情以沒而墟蓮
克振其家亦以澹需之夫使海內
想見先生之人與文而神氣符注
則先生之道尊若執先生之人與

文而市價海內則先生之道藝今
廟祀成而文集出也此其時矣先
生無樂乎以文士自藝墟蓮更無
樂乎以文士藝先生以待有今日
余亦何幸而獲與於斯文之真集

也往余題先生祠云文章千古人
傑三吳竊以澹至之義窺先生微
而知遺文之晚出者先生志也墟
蓮達孝矣先生復起諒以余言為
然

萬曆丙午春日猶石居士譚昌言
書於讀禮廬中



北虞先生遺文小叙

從祖贈文林郎北虞先生之集最晚
出蓋四十年間叔氏墟蓮將蒐輯其
遺文之十五以庶幾近代諸公之褒
然成帙者然而弗可得也先生生年

多酬應倉卒感遇之文不必留笥中
而又以祿仕吳興旅襯歸卷冊散亡
伯氏善病弗克檢叔氏僅數齡而孤
也曾是吾邑徐司空先生撫浙時收
一編刻之嘉善要自友人所相傳漫

錄不無失真以故叔氏閣之弗行又
數年蚤夜以思莫可窮覓乃以暇日
即所詮次別其真贗正厥訛舛得詩
文共若干首善刻之以紀當年哲人
之妙韻以示人間清絕之異采以明

作者之篇章殆不必于浩繁紛雜爲
矣先生才名業已百年今其詞旨鏗
然具在濂孫行也生晚且陋曷足以
評先生之文第嘗縱觀而諦思焉夫
先生曷嘗倣經史而經史之倣先秦

西京上下而上下之倣漢魏初盛唐
而種種依則之即諸體裁若擬古若
詞賦騷選多所未備况乎章句聲律
之間哉而先生特本之乎六藝之旨
而合之乎諸家之神其於學無所不

窺而不由高鑰入其氣格風骨乘空
御虛神奇卓絕不落蹊徑曠然獨新
夫膏梁而餽釘綺繡而越席均之長
物何者足以入吾無所事之胸中無
所緣之筆端乎哉以是觀先生夫且

鎔鑄千古以不倣爲倣以不用爲用
又孰有逸于先生之度外者其憂思
抑鬱感時悼俗忠耿之懷則時時形
之口吻識者蓋曰詩本性情文關世
教其斯爲先民之程式有用之真言

也夫且也歷歲愈久而名稱愈彰蓋
先生至行高節不獨以文迄于今海
內縉紳大夫先後官斯土者想見先
生之爲人庶幾先生顧歆血食神遊
闕里旦暮遇之以故崇祀廟庭建祠

通邑郊墟之間不乏品題言言褒重
而叔氏門人莊太史周侍御吳膳部
諸公及吾邑進士錢用章輩相率爲
文誄先生之行叙斯文之所由來而
請謚曰文遠先生嗟嗟信哉其文遠

豈獨所見聞之世寶先生茲集若星
辰河嶽之必不可磨滅而已也漁不
佞祖父三傳可謂與于斯文而不可
謂伸于斯文此其故不可知叔氏墟
蓮文行不減先生而先生集方梓叔

氏宜有待漁請得徐觀叔氏集成以
艷吾宗豈不有司馬劉氏其家風惜
乎名父子皆退然自完世無知之者
異日者野人輟畊而載筆以咀真而
抉隱責在斯人歟責在斯人歟

萬曆乙巳秋日姪孫濂茂齊甫謹識

文遠先生謚議并誄

北虞先生物之四十年吏茲土者謀
所以崇報明德剏建坊祠其明年棟
宇告成吾師武庫公將奉主以入有
日矣士之及北面先生與從武庫公

私淑先生者咸詣武庫公以易名請
大都稱靖節先生文中子故事謂先
生奚讓焉方咨諏卜度詞旨未訖武
庫公輒欬獻謝曰嗟乎余先子之無
祿也明經以起窮經以老卒死于二

三子之手曾不得憑藉當世寵靈以
爲窳窳光迄于今誰評遺跡而易之
名者孤敢以勤二三子二三子逡巡
且却小子俊武庫公門下一人也揖
而前曰夫子不聞乎民生於三事之

一也臣易名君子易名父弟子胡以
不得易名師第情稱則公言徵則信
義核則傳我虞雖彬彬文學哉 明
興則未聞有以麟經起家者自先生
起而是經遂炳然于學官勿論我虞

卽當年海內稱名家如趙特峯王元
馭諸君子有不從先生造請相印可
者乎卽今世春秋之壇太史二三公
及諫垣侍御繕部諸公執牛耳矣有
不從吾師父子狎主而代興者乎聞

之先生始攻毛氏詩旣而慨然以孤
經不傳爲已責特爲披翳霾使日中
天人得施離明而展手足故雖樸楸
如小子幸且拾吾師殘膏受光於莊
太史宜乎陶鑄英賢率成儒碩也夫

藉先生陶鑄者多翱翔天路人貌榮
名而先生上厄於國制下未伸於鄉
評使世遠言湮與膚淺陋儒同歸無
述吾儕其何以見文中子之門人乎
武庫公曰唯唯否否小子俊乃更前

四
賜言曰立經者作也闡經者述也述
作者文也在昔尼山誕聖文實在茲
故其言曰吾志在春秋今先生於春
秋章章如其與於斯文無容置喙
矣抑聞之偏弦獨張含唱靡應木鳶

奪巧雖蜚不靈何休訓詁春秋不能
推原道術而猥溺風角局於志也先
生以五經印証一經漁獵百家是非
粹然不謬余以爲其志遠陸淳功在
春秋名廁八司馬短於識也先生丰

裁嶽嶽不可一世雖知已之士當途
而莫肯度逶迤之足希拂拭之勞尸
居淵默人罕覩之余以爲其識遠董
仲舒深明春秋災異之故一經下吏
終身不敢復言悴於神也先生數雖

竒而泰然自得才不一試於時而於
當世之務洞若觀火余以爲其神遠
兼是三遠者以溯聖人之心傳不求
有文而文出焉故曰言近而指遠夫
惟指遠故行遠行遠故澤遠請以文

遠易名可乎哉武庫公拜稽首曰諾
又曰悲夫幸哉余先子汶汶蓋棺歲
久矣不虞今日乃得徼惠於吾子于
是小子俊再拜率二三子而誄之曰
窮哉先生兮獻璞得明矣哉先生兮

隆棟徒揭謂真汶物兮天章寵賁謂
真短折兮風聲百世貞無俗負兮和
匪俗同垓埏指掌兮墳典羅胷跡循
育史兮神契宣尼搖筆珠暉兮矢口
玉霏披華振秀兮新新何已溯流尋

源兮綿綿茲理吾徒曷式兮惟先生
之不亡言文行遠兮共山高而水長
誄旣成二三子曰信質諸縣大夫暨
鄉之士大夫同聲曰信遂題北虞先
生主曰文遠先生小子俊因受牘而

載之

萬曆乙巳秋日

賜進士觀通政司政門弟子錢時俊

頓首謹撰

同門下晚生

錢受徵

張景星

翁憲祥

徐儒偉

管日新

顧雲鴻

許儁

孫森

張應遴

翁應祥

郭資繼

王憲曾

朱廷臯

陸問禮

陳以忠

陳星樞等謹議

北虞先生遺文目錄

卷之一

五言古詩

天潭谷

對月

與錢子舜臣

賦松壽吳生之母

秋暮有感

南遷懷北城舊居

入東鄉雨甚歸途作

錢舜臣自遼陽登第歸

苦旱

清明阻風安陵

東昌舟中對月

寄訊周山人虛巖

五言律詩

江遊紀興

江浦思歸

寒食

偶歎

江路

乙卯元旦

秋日破山寺

霜降日丹陽道中

梅林寺

登歌風臺

元宵泊天津

思家

過宛湖悼顧汝隆

歲暮雨中寄友

夜坐

春雨

早中和韻

秋雨復甚有感

夜對瓶菊小飲

鴿湖

石亭埠

村舍

避暑

搗衣圖

閨怨二首

友人過訪二首

寄謝山人西隱

梧庭道士

中峯岳武穆新祠

宿王子賓淇園亭

東朱丈聖南

與相者張鏡泉

寄嚴瞿二學士

送江右王子

與醫士邵育泉

得除後南還

德清官舍汲半月泉釀酒

五言絕句

金陵二十首

香閨樂府十二首

伏枕雜咏十二首

山塘曲八首

山居四首

江南曲五首

卷之二

七言古詩

送沈儀部遊武林

寓言

送陳司訓遷教平湖兼呈舊父母馮黃門

贈醫士王春泉

龍山歌送吳司訓

江樓感懷

問月

風波惡

苦熱行

行路難

遊西山漫述

丙辰下第舟中誦杜老七歌步而歌之

時事

官糶穀

官施藥

七言律詩

恭親 景殿謁 祖陵紀頌二首

雨花臺 清涼寺

牛首寺 獻花巖

靈谷寺 飲歌館留別

燕子磯醉中紀興 夏日泊舟金閶

膠山玄覽閣賞雪 還自北都聞寇警

甲寅寇變致道觀後古松競茂為新

海上黃魚寇息早至和荅友人韻

病眼 白燕二首

水災和韻呈邑侯 虞山達觀亭

和荅沈文井見寄 送友

鴈來 催租

病中 贈見山陳子

贈龍橋錢隱君 送客還武林

贈孫達泉 錢子行所計聞

秋日 登太白樓

下第歸舟 白河道中

過留城

過亳頭

董子書堂

到家

朗城庵

入江鄉

北上遇杭僧礪公

固安道中望西山

和汪存吾懷家

京邸

四月望日

寓道觀洛陽花盛開

得除後舟中和韻

雪中旅泊

七言絕句

送立齋張公守贛州六絕句

虞山四景圖送司訓白公遷泗州

元旦柬王子賓淇四絕句

虞山尚湖十首

蘇門雜咏六首

題牧牛圖竹枝詞四首

傷春四首

己酉秋試續夢中句

寒食二首

江上歸舟

下第歸舟

卽事

感事二首

早中

寇變四首

紀荒四首

閩河卽事

過武城

漂母祠

露筋祠

奉谷周山人虛巖見寄

顧海峯參軍貴州寄谷二首

張姚二子過訪對茉莉小飲

客至
題畫馬

題小鴻扇

詩餘

蘇武慢 二闕
玉蝴蝶

慶春宮
江南春

高陽臺
沁園春

滿江紅
且坐令

謁金門
菩薩蠻

風入松
拂雲裳

如夢令 二闕
望海潮

卷之三

序頌

送邑侯蒼野王公入覲序

賀邑侯似礪黃公壽母太夫人七十序
贈邑侯濮南喻公榮獎序

送邑二尹周君入覲序

贈邑司教丘先生榮獎序

送邑二尹朱君擢代藩紀善序

送邑司教真先生致政還瓊州序

送望虞錢君歸洪都序

海虞勝覽後序

白崖先生和陶集序

春疇王公八十壽序

贈兒醫馥泉王子序

陸母蔡孺人七十壽序

唐詩絕句選小序

連氏家乘序

魁文會卷小序

陳廷祿窓稿小序

仁侯輿慶頌并序

卷之四

記傳狀表

常熟縣佐貳職員題名記

重修瓜墩沈氏墓記

江山尹二湖時公傳

三逸士傳

劉弘業傳

蔣貞婦傳

談參傳

滋陽尹白崖桑先生行狀

司儀署署丞見葵沈公行狀

太學生石門王公行狀

太學生吳致之行狀

錢母趙孺人行狀

河南左布政使西臯紀公墓表

卷之五

誌銘雜著

大耄翁北川陳先生墓誌銘

從叔父秋巖府君墓誌銘

內兄谷林先生張君墓誌銘

太學生浦子尚中墓誌銘

嚴州司理蒙山劉君墓誌銘

陳子在川墓誌銘

心泉連先生墓誌銘

吳子子茂墓誌銘

王子笠洲室龔孺人壙誌銘

錢少子朱孺人壙誌銘

光祿陳君配夏孺人壙誌銘

錢明之壙志銘

愛山周君壙誌銘

祭邑侯蒼野王公母子文

祭吉府祠正沈君墨井文

祭義勇李安文

祭陳太母文

築城議

邑侯蒼野王公築城銘詞

築城告神文

邑侯蒼野王公誄詞

卷之六

雜著

破虜露布

重修香山寺募緣疏

普陀巖疏

福山大慈閣疏贊

方竹杖銘

三星祠疏贊

清明上河圖跋

張仙像贊

論

百世可知

太極在先天範圍之內

三十六宮都是春

舜曾參申生伯奇之孝何如

倒戈扣馬之心何以不同

太史公識得此意

田叔空手來見

魏徵願為良臣

姑姪母子孰親

太真絕裾

北虞先生遺文卷之一

吳郡海虞邵圭潔伯如甫著

孫樓

邑門人

錢之選

全輯

鄒泉

仲子

鏊校孫與游錄

五言古詩

天潭谷

出城歷翠微迤邐一逕繞披茸入天潭悠然結廬

好薜門傍游鹿蘿磴逐飛鳥引泉疏碧池環石列
蒼島高亭矗星際修竹倚風表登登地覺崇望望
天何杳日邊孤塔懸海上三山小客來夜雨後人
在秋雲杪茶烟已自清花徑不須掃澗聲流淙淙
岩色淨皎皎散坐托浮梁小憇藉柔草玄談足舒
嘯微飲亦潦到奄焉暮晷移閭矣塵踪少吾廬百
武外煩緣日擾擾何如選幽棲薇蕨摘可飽焚香
讀道書優游以終老

對月

秋空淨無氛嘉月照涼宇欣逢此良夜門外卽遐
旅懷舊鮮懽乘光欲高舉所思况非遙形隔不
得語徘徊孤影邊嗟哉乏雙羽

與錢子舜臣

至道漸不講客累日轉侵流泉出故山潦濁滋以
深汗馬離其槽騰逸莫可禁古來知道者左右陳
銘箴就裏得真主犁然見天心無窮造化用宛向
一中尋人須反厥初方寸有丹金黃鍾今所嗤自
是太古音願子細討之玄酒共爾斟

賦松壽吳生之母

山陰有高松。負節寒霜裏。鬱鬱俯虬枝。纍纍出龍子。玄鶴翔樹顛。青牛伏根底。華月應葱籠。千秋恒若此。

秋暮有感

秋風淨林臯。四野無氛烟。山廬遠坊市。庭卉蕃以鮮。懶性不解事。只與文字便。楹前白雲過。吾意時共騫。所嗟豪傑念。半爲兒女纏。青鬃付流水。幾迴還自憐。往圖阪上駟。來計江心船。窮達不在慮。投

身向誰邊。總悟獨醒理。難脫醉者筌。何當豁塵眸。對此蒼蒼天。

南遷懷北城舊居

我自城南來。日日懷城北。南北本不遐。意興各有適。少長娥川上。桑梓陰歷歷。舉目見松楸。移步得泉石。鳥聲入衾枕。山翠照几席。貧家無宿儲。出門有薪麥。遠市乏兼味。涉園蔬可摘。幽性不耐事。正與塵喧隔。閒來就吾宗。毋煩整裾舄。過墻卽煖酒。扣戶俱熟客。人言南最衝。我喜北還僻。不聞老氏

語知白還守黑

入東鄉雨甚歸途作

我向東鄉去。風雨淹信宿。我從東鄉歸。轉眼變陵谷。透迤百里村。浩渺成一瀆。已驚舟出林。復訝犬升屋。沉窳無炊煙。處處聞野哭。入城且罷市。行路沒馬腹。四天結玄陰。六月失炎燠。余生罕遭此。憂時兩眉蹙。人言正德中。水患曾此酷。尤重亟蠲租。萬姓半漂髑。况茲寇荒餘。兵賦罄新穀。詔使方下吳。州郡走徵牘。誰歌鴻雁詩。甦此魚鼈族。書生愁

何爲所仰在食肉

錢舜臣自遼陽登第歸

昔年辭所知。言將適異鄉。西風吹襁袍。慘怛不可當。豈無桑梓念。柰此骨肉傷。生死總度外。而奚富貴望。十載棲黃沙。不見春草蒼。一朝際天風。困羽旋飛翔。錦衣歸舊山。稱觴向高堂。前來覲故知。喜極淚滿裳。緬追昔年事。若夢還若狂。丈夫莫可料。禍兮福所藏。人生百年內。處處傀儡場。所以貴達觀。靜裏齊炎霜。嗤彼淺瞳者。低昂岐路旁。

苦旱

江霾蔽吳疆，狂氛爲誰觸。五月農始耕，六月雨不
續。禾苗且槁死，兵租競徵逐。憂時雙眼矇，獨傍青
山宿。

清明阻風安陵

節序正清明，高原有人掃。狂風羈客程，游子在遠
道。白楊入我懷，綠酒空自好。天涯多涕零，不灑墓
前草。緬思泉下人，視我掌上寶。不得與俎豐，還望
歸來早。負此慈愛心，沉憂一如擣。推蓬發長吁，黃

塵翳穹昊

東昌舟中對月

客從離家來，四見月色滿。寒月傍虎丘，坐石自把
盞。嘉林足棲托，遠興覺懶散。元宵將涉濟，月出河
流淺。然燈嗟賞違，停棹惜行緩。長安春正中華月，
照綺館。看劍柰沉淪，當歌重悽惋。天涯理歸舟，聊
城三月半。風檣夜不泊，圓光白如旦。明月復明月，
團團逐人轉。傷我岐路邊，江湖隔庭院。姮娥伴孤
獨，嬋娟對愁歎。功名多軼軻，齒髮漸遲晚。馬首影

長懸駒隙候頻換歸哉江之南息爾征旅倦綠酒
尊正開青山石可偃小樓兒女歡靜几圖書展感
此異鄉懷有月漫邀款鈎簾向夜分瑤光下玉碗
高吟李白篇吾道任舒卷

寄訊周山人虛巖

別君踰歲年懷君幾日夕清時多亂離同世恍若
隔羨君塵外踪飄飄振雙舄逢人問新詩叅軍老
更逸每思接玄論令我愁心失寧知昔遊地桃李
化榛棘巖城白日尙舉目有狂狄軒車下西川道

路虛咫尺投言問無恙耿耿詎能釋南樓倚青山
焚香頌高客

五言律詩

江遊紀興

風物經春晚壺觴集浦沙坐依龍渚近望入鳥天
賒海席新供鱠山書阻寄茶停盃正懷遠斜日照
漁家

江浦思歸

浩渺長江際蕭條小閣中憶花愁夜雨欹枕聽春

風勝事思難致。殘書讀易慵。山廬酒應熟。歸與故人同。

寒食

客裏逢佳節。江邊獨倚樓。花歸三月雨。麥近四郊秋。去鳥懸斜日。思人隔遠洲。十年遲擊楫。真切祖生憂。

偶歎

寒榻隣鷗浦。春風隔鳳池。文章任人誦。衣食費吾思。衰病長憂母。狂嬉更憶兒。拋書幾默坐。此意夜

燈知

江路

江路清明節。西風吹客船。野鷗迴白渚。檣燕語青天。挿柳驚時序。飛花惜歲年。村墟寇荒後。幾處有新烟。

乙卯元旦

太平開令歲。沾渥得靈膏。生氣敷青野。春和拂翠毛。風迴鶯谷遠。雲出雉樓高。我欲晴霄裏。冷然一振袍。

秋日破山寺

古寺秋林裏閒來一醉歌舊時花木處今日草萊
多澗破龍何在橋橫虎自過山光與潭影岑寂對
頭陀

霜降日丹陽道中

三月京華客秋風吹敝裳霜知今夜白菊憶故園
黃弱骨驚寒早羈心覺路長百年浮世裏半逐馬
蹄忙

梅林寺書壁

疋馬來江路當齋扣佛廬年光殘臘裏村落寇荒
餘客至厨還冷僧言鉢盡虛一龕貧尚爾百室竟
何如

登歌風臺

沛水遶城隈千年帝子臺客行故鄉遠歌想大風
哀馬上人何處天邊雲自開壯心籌策在歲晚惜
重來

元宵泊天津

客路逢嘉序扁舟繫海涯市燈聊伴我村酒不如

家月色明殘雪灘聲激凍沙江南春閣裏喧笑對
銀花

思家

重以功名累輕於骨肉離三千去國路強半憶家
時菽賤思貧第梨甘想稚兒何如老田舍日與密
親隨

過宛湖悼顧汝隆

湖上美人去湖頭風日晴青山若無主碧柳自相
迎茶熟懷分餅花飛憶聽鶯平生寥廓思悽愴爲

多情

歲暮雨中寄友

荒齋雨不歇况復歲將除去序一飛鳥懷人雙寄
魚時違文字賤心苦鬢毛踈卽擬春舟及花前慰
索居

夜坐

夜坐依殘卷春陰擁敝裘爐紅仍骨冷酒綠自心
愁歲月囊中劍行藏海上樓梅花開旋落催白少
年頭

春雨

烟雨微茫際清齋靜掩門山迷楊柳渡酒隔杏花
村老媿書籤盡寒依藥火溫所思不可致愁劇共
誰論

早中和韻

沃野成焦土恒暘氣轉酣火雲連漢表菜色滿江
南閉糴川停估輸租市鬻男銀臺萬里隔誰發郵
公函

秋雨復甚有感

秋潦自徂夏漲痕侵我廬有家愁粒食無翼想巢
居陸海全成壑吳民半欲魚官程催渡馬還獻瑞
芝書

夜對瓶菊小飲

小閣初寒夜清燈不寐時瓶中
有叢菊几上亦東籬輕馥當杯
度踈枝映燭移相看得微醉幽
適許誰知

鴿湖

湖水淨於鏡蒼茫連翠微一從
丹化後雙鴿夜長

飛春芷魚同美秋菰蟹並肥釣磯如可築嗟此芟
荷衣

石亭埠

石亭迴碧澗晴色映蒼漪歌逐桃花度觴隨曲檻
移山疑盤谷處人似永和時便欲長棲此因風謝
所知

村舍

買田依谷口臨水啓柴扉家近溪橋得村深竹樹
圍聽鶯春自往騎馬夜能歸聊畢平生志還來築

釣磯

避暑

避暑疑無地幽尋自得涼鬢從新病改情對故人
長坐石依桐影移舟逐藕香交游近凋謝悲笛起
山陽

搗衣圖

離居憶征戍搗素向秋更萬里異風色各天同月
明寒悲霜露早衣想絮裘輕欲乞君王念迴文成
未成

閨怨二首

驕虜未降漢征夫遙戍秦月寒砧杵夕花損鏡臺
春錦文未裁就眉黛若爲新空有刀環約朝來思
殺人

其二

終宵頻有夢十載若無家刀尺驚新絮釵鈿落舊
花淒風愁角枕暗雨慘胡笳誰代防秋檄佳期已
及瓜

友人過訪二首

勞生少嘉緒遷候每驚心已見白露下卽看黃葉
深共言勲業在誰惜歲華侵良友勤相顧追歡到
日沉

其二

相過得良友言逐暮山遊秋葉映澄水夕陽明遠
丘鳥聲依客語巖翠近人流揔是招尋侶歡携足
遣愁

寄謝山人西隱

尚懷童稚日移棹扣君扉忽漫風塵隔相看齒髮

非感時陵谷異問俗老成稀却羨幽棲處青蘿只
自肥

梧庭道士

仙都名山下山嘉曠凌煩囂庭宇晝長寂梧桐秋不
凋翠靄護丹籍玄風和玉簫我將聞至道從此扣
參寥

中峯岳武穆新祠

宋室謀何悞精忠委錮鏤數當天未定神與地同
流虞嶺開新薦吳雲結舊愁還憑悽愴氣障此大

江頭

宿王子賓淇園亭

蔣詡開芳逕閑來一解襟醉穿蒼靄密眠就綠雲
深竹色團窓戶花香襲枕衾夢回啼鳥遍清徹五
更心

東朱丈野南

對月幾懷子子來秋月殘况因凋謝感轉惜會逢
難無事且頻過有愁應自寬莫於離隔處銷損鏡
中丹

與相者張鏡泉

年來耻談相張子復經過額定紅黃少鬢應蒼白
多憶君頻許可嗟我久蹉跎摠有封侯骨班生柰
老何

寄養齋昆湖二學士

二子久不見連宵夢裏過豈因慰離索應亦念蹉
跎天上春風並江南夜雨多山堂舊盟在相望竟
如何

送江右王子

送子歸江右正逢春水生一尊文字酒四海弟兄
情細柳縈征騎繁花簇去旌秋風應得意南雁早
傳聲

與醫士邵育泉

江閣淹司馬愁枯欲廢哦聞君尋藥遠此地濟人
多夜鼎金精發春瓢水味和可能分我飲起我十
年痾

得除後南還

客辭丹闕下行向白河干七月漸無暑一官逾覺

寒世途交險易吾道總艱難鄉國飛雲外憑誰借
羽翰

德清官舍汲半月泉釀酒

寶地開靈液清甘入釀偏自憐官似水復想酒如
泉携取山源潤分來月影娟他鄉况多感仗爾一
頽然

五言絕句

金陵二十首

桃葉渡

妾生如桃花根葉相綢繆隔江喚欲渡江濶使郎
愁

長干里

秣陵擁豪貴居第匝長干王謝都銷歇春風燕子
寒

鍾山

鍾陵幾瞻眺蒼紫若蒸霞王氣千年在長凝日月
華

太子湖

蕭儲雅好事曾此采蓮遊自從清暑廢花沼若爲
秋

青谿

東渠疏九曲淮水接谿橋金華深駐月玄武細通
潮

秦淮水

不斷長淮脉千秋協帝符祖龍昔何愚枉費三千
徒

冶城

吳主誇豪雄典午寧伏雌石頭建降旌鑄劍曾何
爲

鳳凰臺

草色春離離江聲日潺潺臺高鳳去遠僧滿夕陽
山

樂遊苑

樂遊不樂戰修禊向淮濱可憐經六代不覩洛陽
春

落星岡

落星岡

石梁夜隕光恐是將星走謀臣空結營高士且沽酒

華陽洞

靈峯劃洞天至道界仙史金龍氣晝腥玉澗光宵起

胭脂井

春妝玉腕空曉汲銀瓶冷胭脂却汚人千載稱辱井

白鷺洲

風光滿江南庾信在江北遙憐二水分上接青天色

臨春閣

風起黃塵捲江清石頭峙玉樹寂無聲千秋怨羅綺

勞勞亭

送客勞勞亭銷魂對流水回羨閒居人風波隔千里

穿針樓

高齊之遠謀佳夕但歡遊寧料無愁主空堦望女
牛

太平堤

湖水夾長堤城臺帶蒼阜紅疑太子蓮綠想隋家
柳

西浦

神姬何處遊昔與張郎遇恍似武陵溪歸來柰春
暮

謝公墩

謝公凌霞致無處不登臨繁歡豈鎮俗終負蒼生
心

華林園

晉鼎方岌岌會心想濠池嘉林旋茂草魚鳥亦含
悲

香閨樂府十二首

白頭吟

誦君白頭吟調君綠綺琴秋霜上奴髻秋月照奴
心

雌雄曲

夫壻能平虜君王不念忠孤行沙漠外看劍惜雌雄

連理枝

木理亦連結人心翻飄零郎投別枝去妾感竝枝青

合歡辭

紅嬌因合歡黛損綠離泣爲郎駐妾顏細搗桃花汁

玉鏡臺

曉眠孤枕上枕花雙鳳盤起臨玉鏡臺憶遠摧心肝

纜舟石

纜舟却有石纜心不見痕石纜去卽解心纜長生根

楊柳詞

風流白面郎何處紫絲韁那似青鷓鴣雙飛楊柳塘

賭春曲

拾翠誰家女相携戲賭春
長安不可見愁殺采藍人

聞雁篇

南樓宵柝靜鳴雁影雙雙
庾信應蕭瑟單飛月滿江

團扇曲

君手握團扇清娥諱相見
春風生有時昭陽擁飛燕

彈瑟篇

吹竽往齊關彈瑟向湘灘
湘靈不入夢抱瑟且還山

空業曲

思婦高樓上援琴理空業
秋胡過業下莫認婦為娼

伏枕雜咏十二首

其一

過動却生病病來悔不早
長生有大藥只在靜中

詩

其二

病來白日昏病去清夜醒
人生如醉夢都是病中
景

其三

病枕曉不寐暗將庚甲數
劃然醒我心簾外啼鸚
鵡

其四

醫言脉虛實生死隔一線
由來人鬼關只在此中

辨

其五

病從何處成只為不覺病
覺在一念間中有清平
境

其六

病骨易生寒入夏裹綿臥
裘葛無愆期由來亦人
作

其七

蛙聲百步喧萬聲同一聲
聽到無聲處肅然天籟

清

其八

物理本活潑人生自沉冥城頭有小鳥夜夜暗中
鳴

其九

情火有明滅常須戒水澆旨哉昔人言膏以明自
燒

其十

倦眼看簾外楊花雪朶朶我欲煉為丸消此心頭

火

其十一

雨後茶應熟界中人未還病餘無俗夢長到虎丘

山

其十二

歷歷少年事依然入夢中可憐看鏡裏不是少年
容

山塘曲八首

其一

出城十里山蒼碧映澄水棹歌隱隱聞中有采蓮
子

其二

春言拾瑤草秋言采芙蓉吳風半如晉水面行歌
鍾

其三

神仙何處遊應在此山頭曉粧湖是鏡宵憇石為
樓

其四

石門倚天高飛雲自來去雲去蒼崖明萬點珊瑚
樹

其五

妾家湖之湄郎住山之曲盈盈隔一水相思柳條
綠

其六

扁舟度渚曲長吟出松際襟袖生雲霞山川吐靈
氣

其七

水東

一水東西流滋我南北田四郊虞水旱山社慶豐年

其八

馬蹄緣澗熟帆影帶村斜長作西歸客看山直到家

山居四首

其一

出門未十里荆榛總披歷早知行路難何如守玄寂

其二

讀書不療饑却羨農家子今年逢水災農亦愁死

其三

長陰夏亦寒雨黑夜難曉高眠何所聞琅然澗聲好

其四

十年織一錦勞妾幾昏曙錦成郎不知相思淚如雨

江南曲五首

其一

輕輕采蓮船
蕩槳蓮花灣
魚戲蓮葉間

其二

滴滴茜裙紅
雙雙穿綠叢
魚戲蓮葉東

其三

小姑照青溪
容色與花齊
魚戲蓮葉西

其四

竝言因稅蚕
脫我頭上簪
魚戲蓮葉南

其五

多少如花色
脉脉倚花側
魚戲蓮葉北

國

卷一

七

